

習  
苦  
齋  
詩  
集

習苦齋詩集卷七

錢塘 戴熙 醇士

題沈聽篁前輩臺花圖

澎湖候曉花發不時眉峰太

四時花十三種圖以志之聽篁前輩重繪是圖并紀以詩徵題

澎湖深處著詩人除夕羣花照眼新未必煥寒關地脈多  
應太守善噓春

一歲須教一閨添十三花始吐芳鮮而今頃刻能齊發終  
恐神山日似年

歸來詩草紀游蹤更寫臨風帶雨容別有空花圖不得海  
東初日照芙蓉

新翻花樣渲朝霞舊句重題兩鬢華莫笑廣平耽作賦最

難忘是頌椒花

劉燕庭觀察陝西慈恩寺塔下拾得唐泥造像文曰  
大唐善業塋壓得真如妙色身漫題二絕

泥見說文郁邛水六書統箸土旁尼水和土義於斯備載  
洒重詢一字奇

厭壑獸通夙所聞今知广广亦無分義徵集韻當爲合古  
訓休譌印反文

澄懷園曉起

曉起若羽化塵夢息紛營洗眼井華水豁然天宇清披衣  
拓北牖草樹環軒楹葱蒨有餘態幽香不可名朝光白於  
月池上生微明烟消柳如沐露重荷白傾漸從東林外遠

見西山晴心空無纖翳相對兩晶瑩

潘芝軒師相出花瑞圖命題

圖繪金帶圖芍藥三朶

曳紫腰金露未晞衆香國裏乍生輝  
養成海上三珠樹披得天邊一品衣  
盛事昔曾傳白下畫圖今復傍黃扉  
從來花瑞由人瑞德業勳名百代稀

重繙花譜檢瑤籤別有庖嘉子細拈  
近侍班原崇翊贊

爲近侍師入殿春職始領梅鹽芍藥爲殿春師托根

閨後卽參機務癸丑發王氏師以復苗先符益郡占花先開二枝次

暗兆沂公姓癸丑發王氏師以復苗先符益郡占花先開二枝次

年復益一枝識者知豫卜韋平綿相業海棠花發紫薇兼師門後起有人

國朝閣院爲儲相地星齋次韻潘星齋雨後見訪澄懷園

藏庭兩世兄新入翰林內閣

骨冷魂清夜不眠，蠹魚鑽紙覓神仙。  
忽聞雨點灑秋樹，起看月九沈曉烟。  
山外斷雲留絮帽，溪灣新翠長苔錢。  
足音空谷真堪喜，出戶披衣未上船。

星齋見和再次韻

倦客歸來止解眠，苦吟安得句通仙。  
無心壁上蝸成字，轉瞬爐中篆化煙。  
恨乏天才能繼李，苦無神助不如錢。  
勞君咳唾隨風至，慚愧珍珠貯滿船。

同直劉詹巖釋乞養旋里用前韻贈別二首

瀑直承明破曉眠，人呼天闕兩胎仙。

熙與詹巖出入如意門見者擬爲寫碑二

鶴

聽鐘數惹花間露，歸院同穿柳外烟。

入直以卯初爲率略

荷花深處由直廬至陞懷園必從御溝楊柳下經過

自媿弄塵叨珥筆，那堪去馬動

連錢

熙承之學士詹巖乙未廷試第一

秋風忽起蘊鱸思別酒空斟藥玉

船

爲溯離愁廢食眠追攀無計可留仙寒蛩淒斷吟秋雨高

雁蒼茫入暮煙葉我肯如捐篋扇

詹巖以八月既望乞假

替君姑作

看囊錢

詹巖去後祇熙一人入直矣

新春二老逍遙日千里須乘訪戴

船

### 贈潘星齋

誰副求賢詔君誠出衆材承家深圭臬儲相練英才國步  
需人急經生致用該卽看詩述志益我魏蓬萊

### 退直

退直罕人事披書自長吟幽居不復出春至都未尋偶訪

石邊樹忽逢花滿林因之渡溪去一望隔雲岑

澄懷園卽事二首

歸院饒春事更衣玩物華林風散榆莢溪漲沒芹芽門靜  
猶兒睡樓空燕子家午牕人意嬾臥聽富平車

偶爲獨往客迢遞到東峰遠隔尋羣柵高岡見獨松岸花  
紆蹊路徑草讓人蹤不覺夕陽下迴看煙翠重

感蠍

不明倉猝起悔不翻著韞投足撻芒刺怒見長尾蠍宛性  
肆殘忍猛力徹心骨赴斛遭苛政入甕償冥罰齏爾鬼蜮  
類陰險濟貪悖堂堂六尺軀安能便顛蹶銳入雖鹵莽寄  
居仍隸脆翦除志不奪潛伏覆當發索取看探囊遺毒終

銷歇因之方時事

皮日休詩時  
事方干蠍

負痛呼咄咄

### 張子鶴詩

君名邦樞系出張伯父爲熙父執行執言猶子家黃香天  
性孝友工文章早歲文戰雄膠庠清詞麗句和笙簧中年  
蹭蹬遭母喪哀毀骨立神不揚有男中殤女下殤齋恨以  
歿泪淋浪余葺所著刊而藏天窮其命文必昌請爾爲渠  
發幽光熙父歿後心有創琴雖在御常慘傷又聞此語重  
徬徨願君復生登廟廊扶偏救敝爲棟梁立德立功際明  
良立言不朽後世坊功成身退歸大荒方壺圓嶠來相羊  
嗚呼死者復生那可望餘哀使我終難忘

橫山草堂圖爲張受之題

岡爲文  
後山紙



數峰隱隱隔塵寰聞說龐公舊往還某水某山游釣處耐人尋味是家山

岡巒鎖處植榆枌小築茅堂對暮雲山若有靈應見憶風光霽月是夫君

余家夙昔住新安依戀西湖欲去難思得文翁特健藥每逢感禱一開看

楊雪湖先生像為范湘槎題

先生名捷震澤平望人親病刈股以療後常刻木事之從瞿忠宣公武邦巡撫粵西以定變功為祠部員外尋棄去忠宣殉節於風洞山先生哭孔王替四日乞其屍歛之皆其孥歸傳云先生得異人術能決人禍福或疑其仙者有詩集陸清獻序之

不假異人術唯求庸行全時危托生死事過說神仙尚友傾同志幽光發後賢茫茫千載下端賴畫圖傳

煮茗圖爲陳雲閣題

風篁琤琤石峻嶒幽人獨往博鐺相承活火無燄眞水  
有棱傾甌人盞煙鬱雲蒸掬月在手遇風而乘碧於春霽  
白於秋澄伊誰能品詞客詩僧相視而默竹語泉麇

竹里館王丈有嘉命題

明月如幽人空山少儔侶獨來風篁中思覓幽人語幽人  
了無語彈琴自容與更發空中音天風渺何許我亦獨往  
客尋君無處所願訪竹里館圍棋賭別墅

道光二十四年七月二十七日丁外艱服闋未赴都  
十一月二十四日得

旨蒙

召恭紀三十韻

帝遣金龍節親齎紫鳳書自

天詢釋服指日

命登車石隕星精滅春迴斗舌噓風雲須奮袂涕泪忽霑  
裾夙昔夷氛惡東南錯壤墟鯨波翻溟渤狼燧照儲胥芸  
館籌還笏椿庭契絕祛時危身許國聖戒士懷居中秘趨  
公暫南陔抱恙初陳情投白柬

召對伏丹除愧悚

恩叨渥驚疑祿養虛星奔親莫待雨泣痛難祛病骨嗟支  
出傷心問倚閭婆娑垂死柏摧折不材樗搶地魂先斷干  
霄志豈舒青春頻改鬢華髮况盈梳風雨甘鍵戶桑麻學

荷鋤淡交聯隱遁浪蹟混樵漁擬養山中鶴行騎灞上驢  
汗青同直勉建白故人疏

藻鑒思求舊桐薪錄曩餘蘊繒參綺繡楷壁嘗璠璣

鶴詔邱園下

鴻慈覆幬如披肝增激厲扼腕重欷歔天步艱猶昨

皇情憤未攄勝誰千里決蓄未九年儲古有先憂患今毋  
列毀譽及時圖報稱此日惜居諸勲業期麟閣功名陋石  
渠白雲終縹緲臨發更踟躇

由金門牐渡江望金焦二山

連山若奔馬踴躍到江濱兩騎爭先渡中流顧後羣天風  
生料峭海氣鬱氤氲送我孤帆去迴看入暮雲

余往來南北三十五年行李敝壞更易不勝計惟漆  
藤帽箱雞絲木文具編竹食筐苗錦坐褥舊物也感

賦四詩

故物如故人歲久情乃重弁履雖剝落珍惜逾雙珙佳製  
工堅密古式形脩聳束縛置高閣啓閉付臧用敝冠棄我  
去不戀髮種種風尚有歧趨冷暖無常奉未若韞珠積不  
增亦無寵自隨既有年漸欲親手捧隸事媿今荒鈔書美  
昔擁敢希長以令廉潔吾所竦

敝篋不盈尺藏弄充其內筆札簿書鐸刀尺鍼綫配解帶  
黼黻存開籠葭苓在弱齡賦北征提攜每同載命駕賴力  
肩跨衛汗奚背孤燈坐獨夜苦吟輒相對相對蓋已久誰

能久不廢徒以繫念恩未忍便引退是中亦何有拉雜多  
瑣碎緩急儻可用姑作鉛刀佩

燦燦水晶盤依附朱門貴咄嗟入珍羅饜飫萬錢費鸞刀  
犀筋旁炙手吁可畏一朝僇汗危棄捐那容諱不如編竹  
器堅緻尚可漑鹽豉與薑芥紛雜富品彙遠行偶乏食勝  
無聊自慰詎云誇簞簋差足充腸胃腥羶爾徧閱當識世  
外味爲余貯堇荼雖苦良有謂

美錦出異域文采光弈弈裁縫製方褥展坐勝重席自從  
走埃塵無復燦紅碧曉發霧露漬夜行霜霰積白甌失餘  
溫青氊空自惜二十五年來當亦厭行役憶鋪花下蹊思  
覆澗邊石常恐老車茵頗似倦游客誓將偕爾歸宴坐終

日夕趺跏揮麈尾仰視搏風翮

途中偶作勸學詩四章示四兒

不學安能視歆然中途好著祖生鞭臨淵忍使魚空羨窺  
管何妨豹未全試看愚公山亦徙休疑精衛海難填鑒吾  
北去書連軫多半遺忘悔十年

有恆

窮年兀兀總愁顏欲破愁顏亦等閒眼界纖阿三五夜胸  
襟廣廈萬千間春風和煦陰霾散秋水空明芥蒂刪養得  
虛懷無一物花香鳥語樂相關

可恆

入道還須子細論沈潛方得道之門絕幽鑿險神先王雄  
辨高談舌要捫酒未釀成終少味花如折取恐無根自崖  
莫反須前進水複山重別有邨

果恆

文墨緣深有父風當知書味正無窮  
新篁早蓄雲霄志美璧全資切琢功  
射鵰心收方嗜學食牛量大卽奇童  
自能教誨終成立兒時嘗問我自己教訓  
自己可乎予深韙之好語諸昆砥厲同穗孫

寓澄懷園葺池南山館四首

猩猩當食脣鯉魚當食尾君看拓北牕  
全園呈瓌瑋黃河走萬里杭之止一葦  
拓牕

露井忽逶迤編籬就花樹迷離界月陰  
曲折讓風路裊裊碧蘿深時引幽人步  
編籬

水性喜我臨我居輒有之惡草爲芟薶  
百尺增風漪朝來潛魚出所樂非吾私  
後非首句翻用東坡語



直廬乃傳舍寄居亦過客關地栽四花且以療予癖辛苦  
蝨蠹蟲焉知爲誰役

種花

謝呂秋塋序程惠珍珠菜

伏波薏苡歸輶載百斛明珠被讒喙而今窮宦喜聞謗思  
沈庾卽寒乞態河南異種來長安纍纍一串瓊瑤佩分餉  
多君佐粗糲貧兒暴富百可廢入釜精瑩綴耳瑤翻匙惹  
精浮眉黛敲根餘齒細咀嚼堯韭姬歎那得配先生方從  
吳下來三九園蔬滿肝肺不待西風起歸思春尊更比秋  
堪愛鄉心何幸慰一旦虎賁却得中郎代他日東坡種滿  
畦登盤合號秋塋菜

蜀中巢菜東坡故人巢元修嗜之卽號元修菜故云

寄題鍾湖盃三友圖

熙少實孤陋冥心喜獨造十五遇謝子神交略紉縞謝子  
靜者流刻苦窮幽奧精理窺義文大句扼典詰網羅收放  
失梳節鄙剽盜吮毫輒萬言磊落間排異謝云吾畏友鍾  
子有清操其中頗渾渾其外殊慥慥傾談獲恢廓靜悟已  
矜躁譬若干頃陂未易一葦到是時俱未冠初步相輔導  
各言得二友餘子紛可掃回首三十年世事每顛倒梁棟  
摧松柏櫝纒閤珪璋頑礪猥被拾弱苻乃遭芼賢書熙久  
登鍾子名始譟謝子舉於鄉興亦不爲暴值熙廁清華春  
明欣慰勞暫聚旋報罷貧病困毳毼到家竟不起遺書多  
鼠耗熙爲刊行算學三  
種時藝數十首鍾子惟一衿四十慕高蹈橐筆走  
千里飢驅豈所好小時金蘭盟相戒不渝髦窮達亦何有

歲寒或可禱轉瞬忽紛披勢若風舞蘼生離兼死別光陰  
箭去趨塵寰多艱難造化豈嫉媚悠悠用自慨咄咄每生  
懊鍾子昨賦閒南牕獨寄傲媿恨寡結納薦刻多不報而  
況謝氏孤齟齬期跨竈離索動千里久矣缺啄抱言念歿  
與存無罪均難告再披三友圖怛焉中心悼

馮孝女詩

馮翰林譽驥之妹嘗割肱療母疾不起遂  
繼母歿

無計續慈命身摧心早傷况餐瓊樹玉不抵返魂香稚竹  
生來勁孤梅落後芳連枝簪史筆好與發幽光

五月二十一日過河間觀邸氓禱雨二首

雨亦知無及猶申一禱虔人閒如樂歲苗瘦尚春田隔隴  
神祠鬧延門吉語懸夕陽歸路杳金鼓尚喧闐

若以堯湯擬當思早嘆由

皇情滋恐思

省朝考題恐思修省以致和甘疏

天意好推求指顧霖三日

郊原澤四周無私誠可恃荒政亦宜籌

滋陽道中見白蓮

侵曉領微芳未獲窮冥討朝景射莽蒼晨葩逗鮮皓秉質  
一何弱托根在潢潦歛發頗有時光明善自葆濡露望若  
垂振風想益好流覽愜素心行吟抒幽抱

大彭館聞河漲

驛樹關山迓節旄大彭旅館息塵勞風聲陡挾黃河漲夜  
起驚飛碧海濤伏汎豈堪厓

聖慮中牟况已竭民膏嚴防要賴諸臣力轉盼秋深濁浪

高

固鎮小駐何大學園林漫賦五絕

密葉繁枝學柳條  
森森翠影上疎寮  
擎空老幹芟除盡  
未要人知是後彫

二柏

瘦竹孤高不染埃  
此君非有出羣材  
水枯土瘠支離甚  
鍊得神清骨秀來

小竹

短短新梢僅及肩  
嬌花惹露色逾妍  
莫將平淡繩餘子  
自是崢嶸氣象年

紫薇小樹

笑卿何事附名流  
傍竹依桃却可羞  
爾自無名我自賞  
任人呼馬復呼牛

夾竹桃

浮根淺土趁時栽  
白白紅紅次第開  
無佛稱尊隨處有  
鳳

仙花發牡丹臺牡丹臺上鳳仙

過龍眠山

名山久憶忽相逢霧掖雲扶欲起龍晃蕩朝光收一瞬迂迴驛路轉千峰吾家夙在新安住此地能無舊日蹤翠甲蒼鱗應不改而今對客若爲容

曉行登三笑堂

山深不見日雲白已知曙清鐘盪空山鏗然散百慮遂從招提遊人靜禽初翫摩挲古金石山僧喜迎語觀柳諫議殘石政和大鐵導登三笑堂巍然遺迹著夙聞遠公社惟許素心與雙相送偶忘反莞爾踰常處千載高賢蹤繼躅誰其庶緬想不可見悵焉策吾馭

田吉安至贛南道中雜賦八首

章貢南征棹前年去復回重銜新命至誰識故人來歲月  
驚如昨江山鍊此才乘風挂帆去點筆坐銜杯

雄州據形勢十里壓滄波驛險撐江出城高跨嶺過人烟  
雜雲霧潮浪挾黿鼉文物茲邦瞻其如羈旅何

望望紅泥瓦家家白板扉有時沽酒艇來繫釣魚磯早稻  
收初熟秋蔬灌已肥清溪橫略徇遙見茜裙歸

小泊此何處斜陽下古原一犁高隴臥萬雀老榕屯寂歷  
疑無市微茫似有邨籬牕閒曠意翦燭坐忘言

嵐翠鬱沈沈周遭擁密林暗聞飛瀑響遙對亂峰吟水石  
瑩詩骨烟雲醉畫心移舟看不厭投契抑何深

灘上盤盤石中流似伏螯鋸痕千古纔鏃眼萬夫篙我昔  
雕肝腎年來蝕鬢毛壯心捫尚在似爾不言勞

峭壁連平陸蒼松間綠筠山田環瘦塔峽樹鎖重關高架  
臨江屋圓機激水輪眼前風物異瑣記倚蕭晨

人在萬山中山迴川復通巖深易成雨湍急似兼風斷岸  
齊排齒長隄曲度弓出灘千百折前路拓秋空

### 重度梅嶺感賦四首

談蕩天門鎖粵州旌旌直上最高頭身依日月恩光近日

極山川瘴霧收五載梅花成濶別

戊戌奉  
東庚子受替

命典學粵  
乙巳復奉

東離粵

正五載

重來鴻雁正新秋

七月十六日  
嶺慈來雁亭

度輶軒早

晚征塵洗迴望京華鳥道修



蝸廬猥荷

鶴書徵

去歲蒙召入都

清秘頭銜待領冰

以翰林學士候補

香案已陪

仙吏掌

偕太僕何桂清同直南齋

海槎更遣客星乘

候補官充學職使未有曠典職

司衡鑒心常愧助得江山興倍增

戊戌亦須行

陸辭有汝作畫萬里路之

論 浦樹巖花都識我一齊迎迓勢軒騰

轉更欣遭驛路邊停車共話乞歸年

庚子去任乞假省親

相逢阮籍

仍青眼高臥袁安已白顛愛畫猶藏修史筆題詩行續紀

遊編

謂訪集却因朋舊傷搖落耿耿星河沒曉天

李雲甫師鑑堂黃蓉

在監幕中陳唐甫李少椿吳拜蓮俱歸道山

檢點金龜刮目昏新枝定發故時根文章小技誠餘事樽

酒相從且細論南海珊瑚先入網

擬先試

東風桃李再盈

門

聖朝未有涓埃答擬挈諸賢奉

至尊

彈子磯

大瀛蓬萊股巨靈手自拗挾之來南荒上有握透爪海雲  
日吞吐炎燄爲搜攪願疑百石弩弄此沒石巧探穴不可  
得南下孤帆飽

陽春夜泊

獵獵西風淼淼流三更瘴癘洗炎州空江月上如無夜過  
雨涼生不爲秋去歲憶看花下影一時清興浩難收灌園  
擬著閒居賦不分高歌發舵樓

海康趙大令身衛出示其女緜秋內史畫冊爲題落

花垂柳二幀

精瑩花作骨空澹水爲神旖旎歸高簡南樓有替人  
嬈嬈凌風舞沈沈壓雨低近來無此筆筆借寒閨

颶風五首

杪秋雷陽郡我馬明當秣初昏見赤氣照徹天宇豁或云  
此颶驗調刁漸排閤鬼神鞭山岳霹靂斧空濶仰驚日車  
馳俯恐地維脫終夜心震蕩先聲氣已奪  
凌晨望雲天萬雲如波濤連綿去不盡輕於吹空毛長林  
走敗葉孤鳥疑其曹追尋值飛瓦斷續鳴悲號倚柱立重  
足勢欲隨風翔凜冽雖可畏奮迅亦足豪

飛雨海上來檐霤急奔赴風遏不得下屋底漏如注輾轉  
徙几榻霑濡徧袍袴瑟縮自歎咤坦道成窘步却念衡茅  
士茅盡驚相顧漏亦不可得天寒日正暮

風止余遂發彌望多敗堵堵外古榕林十已倒三五槎枿  
出槁壤縱橫臥荒圃此木喜糾結出根以自輔托地不辭  
險雖固終何補嗟爾猶遭拔田禾當益苦

皇天性仁厚盛怒有餘慈今歲田禾碩將收忽離披其根  
縱已露其實仍纍纍有年良不逮中年猶可爲帝力無豐  
歉大道有盈虧靜契乘除理諒哉不吾欺

渡海和陳作梅

魚二首

海安城外碧琉璃對此茫茫有所思日月升沈爭氣象水

天混合孕華夷尋常舟楫輕難托雜還魚龍險未知祇是  
仙雲長縹緲停空不語看恢奇

金鼓騰騰發舵樓早潮晚汐趁奔流儘償破浪乘風願易  
起崩雲屑雨愁積厚終疑無地載悲虛益信此生浮慰予  
幸有元龍在入海求詩氣正遒

黑蜩

朱崖玉面猿跳擲頗驕蹇元衣稱垂綃長臂初脫圈知白  
守其黑岩穴甘隱遯猥被主人憐拘繫遂忘返天寒朔風  
起苦念儔侶遠有時發長嘯迴首望疊嶂世情儻未深還  
山當不晚

迴酌泉詩貽蘇觀察

敬衡

諷復迴酌亭

昌黎廟碑眉山鐫謂如鑿井得流泉迴酌之泉潤瓊郡正  
如眉山遺愛專南天泉有二源相競出萬古不涸流涓涓  
當時有亭翼其上柱栱倒鏡清漪漣眉山命名取挹注淋  
漓大筆揮如椽惜哉龍蛇不可捉歲久化作飛空仙此亭  
得名遂千古後來踵事常紛然草莽池臺那堪數劫灰過  
眼成雲烟故蹟流傳七百載却於觀察成奇緣久誦清芬  
向家乘况由內翰來廵邊繩其祖武存手澤比之銅柱復  
建開元年君不見城東漠漠百頃田秧鉞刺水羅亭前橫  
椰荔支花間發上有鸚鵡飛踟躕看君逸氣勝公幹縱爲  
游觀也自賢

按瓊值王甥

惠溥

假海口丞試竣女挈外孫爲蒞來

謁示女二首

爾來瓊郡我京華朔雪炎風道路遐  
萬里馳驅逢海外三年魂夢慰天涯  
愁詢病母思家切喜聽嬌兒學語  
譁始信南荒多瘴癘各驚消瘦兩咨嗟

也知相見卽相違款語周詳倚夕暉  
好盡一心操井日常書數字達庭幃  
舅姑聯隔頻頻問時官夫壻團團緩緩歸  
宦跡蒼茫本無定莫因離合汨交揮

聞林少穆前輩召授京卿三首

詔許屯田使量移佐命卿風雲仍上界  
兩尊罷邊城帝力迴憇運天心練老成  
都人如望歲火速賦東征丹筆傳鈔疾  
黎氓告語歡生還聞健在子舍想幽樂憶昔

攀轅苦看君解組難

皇情終念舊喜極淚洟漣

莫以清曹樂當分

聖主憂升沈歸一視功罪屬千秋指日趨青瑣朝

天念白頭他時登將相不必計恩讎

分賦伏波銅柱排律十二韻限銅字

保障東南郡將軍嬰鑠翁久傳新息柱重想舊時銅地肯  
成甌缺臣原與石同六州開大冶一道亘長虹華表凌空  
臨浮圖厯級崇金莖霄漢迴劒氣斗牛冲陣列雲題篆兵  
銷月挂弓威猱仲赤幟倒影入朱蒙下國觀瞻竦中原氣  
象雄擎天歸獨任貫日此孤忠式定工逾馬溝如界劃鴻



開元都護嗣輝映靖邊功

廉州太守音德賀新葺清樂軒長春亭二首

茲軒邇人心風雨不能傲於物有顯晦其興視遭際誰欺  
測妙理太守獲真契薤荒起昔仆濯沆發新麗疏拓敞虛  
白壁聖豁澄霽潏潏龍門流晃蕩搖階砌眼前逐清景樂  
哉真可憇是有無形者有形之所繫何以形其形憑軒當  
各勵

廉州蘇夫子迺是萬物春其來特寓耳郡人自與親春去  
尚有時夫子久彌新君看長春亭突兀又水濱此亭於夫  
子泰山一微塵太守豈好事欲以慰郡人我至值嚴冬沙  
水搖霜筠凍雲低浦澈肅風走城闕尋春不可見春氣自

彌綸方知游觀笑中含鼓舞神

海角亭

亭在天后宮  
今去海已遠

城西亭上望不見水瀾漫古廟杉松裏靈風生畫寒桑田  
成樂歲人海亦狂瀾緬想瞻天額懷賢久倚欄

亭有蘇文忠  
舊里瞻

天額  
今佚

得家書聞官兵臨奉化縣

錢賤銀貴有司增  
科兆豐盜賊來之

嶺北書來看轉疑海氛息後重興師櫓槍餘氣羣黎報感  
唱傷心獨客思民力東南聞已竭

天戈勦撫定兼施平生學畫愁無用不克親圖達

主知

除夕過羚羊峽復次前韻

嘗聞赴壑蛇尾沒不容拗又聞踏雪鴻飛去却畱爪而我  
滯行役佳節徒自攬焉知避債臺別荷天匠巧椒花滿春  
盤看山且一飽

習苦齋詩集卷之七終

習苦齋詩集卷八

錢塘 戴熙 醇士

客座益梅

梅花原有格益益別生春小几盈盈態襜褕脈脈神似慙  
疎戾俗未肯曲隨人故國橫牕影今宵對月輪

蓬萊灘看山五首

青山我故人到處爭迎我舟上蓬萊灘故人至益夥灘石  
引雙篙爲鼓中流柁灘水相鳴喚玉齒露瓊瑤拓牕望來  
程潏然白雲鎖

奔流沸盤石石臥了不知上有據石松照影虬枝垂影動  
松自舞叢竹竊笑之青山顧而樂樂此羣兒嬉

山忽化爲舟夾水往來疾舟忽化爲山四壁峰巒出忽覺  
山入舟瞬息旋奔逸又覺舟入山咫尺乍迷失十里得清  
曠一棹到蒙密突兀初生怖夷猶漸成暱日落烟霧起山  
與舟爲一

舟行本向東轉折却指西千轉更百折東西漸已迷東西  
初不迷多情山下谿招要巖岫來聚觀困排擠雙環正相  
競萬笏條又齊安得石尤風使我三日稽

我如穿珠蟻日就珠罅走銜繩儻未出焉知珠曲九中途  
見微塵魚鳥獲淵藪自謂壯哉游所遭信非偶茫茫珠外  
天聽歸大造干

合江樓歌

東江西江兩水合高樓俯江江氣納我來正值春漲生驚  
濤洶湧吞江城城中萬戶鱗甲動搖搖不定含光晶主賓  
置酒軒牕下樓外江風聲振瓦山峰忽白水波黑萬壑江  
雲如走馬欲雨不雨氣象雄元黃混台浮虛空須臾咳唾  
九天落化作珠玉飛隨風風迴日漏晴霞紫照見菰蒲歷  
沙嘴十帆五帆相間山葉葉斜陽墮盃底葱蘢佳氣入芳  
筵重憶詩歌七百年正如蘇子高眠日想像蓬萊方丈仙  
蘇子由來具仙骨茲樓不減金銀闕安得今宵爲我來洞  
簫鶴擎乘江月

環碧園偶憩三首

主人負幽事經歲不窺園春盡偶相訪意行聊解煩地荒

生野趣身靜覽塵喧獨立水亭角漫聽禽語繁

劇愛危橋北涼陰四面垂古榕根抱石壞壁蘚侵碑竹占  
新開徑花添故發枝經營山誰手造物是吾師

坦腹虛堂下蕭閒亦快哉微風林影動竟日雨聲來止水  
游魚定斜陽倦鳥回明朝應笑我又逐片帆開

擬古四首

幽蘭在空谷辛片經嚴霜結根三十載忽上君子堂盆盎  
爲拂拭幃帷爲歛藏環以百孔石漑以五雲漿豈無故山  
思感此意難忘請充君子珮使君懷袖芳芬芳亦易歇根  
株幸無傷

天馬山渥洼毛色耀康衢朝飢南秣越暮渴北飲胡馳驅

抑何勞雨雪滿前途拳毛縮如蝟石路多崎嶇誓追千里  
驥恥儕十舍驚平生汗血性亦不爲生芻

驅車出郭門高邱何嶙峋褰衣躡其頂十步九逡巡中路  
靡所見刺眼多荆榛漸入雲霄際空曠無四鄰東望海漫  
漫西視白日輪南北多原野莽莽飛黃塵顧瞻將何之悠  
哉勞春心

挺挺山上松夭矯凌雲端鬱鬱澗邊柏屈曲臥奔湍高下  
兩不侔相義互相歡各言得所託同質有殊觀殊觀問何  
美無乃貴容顏願舍形骸末相期保歲寒

西施舌用杭堇浦先生胡秀才餉西施舌韻

領取丹霞滿掬漿海南佳物愛非常有人曾下千絲網無



事來含一瓣香隱遯高蹤應解語興衰滋味想親嘗效顰  
別有生蓮舌捨唾還矜抵夜光

出郭

出郭罷人事蕭然清興長連山成揖讓流水白宮商碧樹  
矜花白閒鷗看燕忙晚牕憑眺久詩思入蒼茫

肇慶試院四詠

樹人堂

廣廈何高敞跋履漫延伫百年人去來空堂了無語

得絲亭

牆外綠團團亭前生曉寒五更風露下獨自倚危闌

人面子樹

古樹大百圍涼陰滿階下夜來風雨多墮子落簷瓦

在茲石碣

石碣二百年

明崇禎八年陳煥奎書

肇窠字盈尺牆根落葉多爲掃

蟲網迹

考校偶題

就試曾燒蠟炬紅年來翦燭此心同五千文字天邊鳳三十科名雪上鴻憶昔芙蓉在秋水恐今頭腦太冬烘諸賢轉盼操衡鑒須讓毫端氣吐虹

寶月臺贈同游

平臺面虛空寶月現三五闌干七星巖對此乃一聚登臨值初夏延緣入梵宇不見團團桂新荷滿銀浦好風從西

來幻作霓裳舞惜哉玉蟾宮雲霧穿牕戶七寶埋沙磧天  
境翳塵土願假姮娥杵重礪吳剛斧付彼娥阿手闢我清  
虛府盈虧亦何常此闕終當補

齒蠶

齒於百體內善藏乃其德時或勿節用蟲輒大蕃息彼蟲  
亦有齒齒且爲所蝕攻砭能無忌豢養恐遂踣當其萌芽  
時齒自多其力素茂蠅螟巢尤藐蠻觸國珍品恣甘芳異  
味填胸臆習慣不能戒孳生尚自飾微豁爲偶然小齧不  
動色漸成三晉黃條變羣蠻黑外疆中已乾形現勢轉逼  
振作益疲憊動搖至傾側空洞真可容圭竇疇能塞蠢爾  
實陰類蔓延善伏匿高塹容螻蝻大田孽蠹賊初爲穴樹

蟻旋化含沙蜮平生刀截快太剛遇柔克天道固好還世  
事豈難測殺人亦殺賊物物終賊齒初不自愛骨今被  
蟲食而蟲命寄骨骨盡蟲將熄兩鼠劇鬪爭巨蠹肆咬刻  
相殘苟不已同病行在即吾聞古至人元精日培植非不  
愛髮膚別有踐形色齒特骨之餘缺落心罔懼不得已而  
去終豈廢稼穡矧我初生時無齒饜黍稷失利雖可恥還  
道理亦得酌酒薦腍神無爲患齒慙

羅陽晚泊二首

我行殊未已百里獨蒼蒼疊嶂皺春靄奔流閃夕陽岸花  
兼紫白巖竹半青黃亦有蕭閒味扁舟泊晚涼

西江新漲生繁纜到柴荆深樹雙扉掩荒陂一艇橫遠人

行漸小獨鳥下無聲自覺游忘倦無心問去程

羅定試事簡易考校既畢遂蕭然獨坐

上階蝴蝶影團團人在風前獨凭欄舊得句重和夢續新  
收書且趁閒看事當垂罷常疑誤身到無爲轉不安多謝  
幽禽能破寂簷前時送數聲乾

過峽山寺凝碧灣淙碧亭二首

爲訪峽山寺暫息清遠艣散步凝碧灣虛堂自太古絮絮  
漚口雲層層潁陽雨空翠過江來霏微在庭戶趺坐澹無  
言深林嘯杜宇

延緣上層坡石壁瘦如削危亭面飛瀑萬派爭一壑我從  
海外來到此欣欲託聞爾去何之輕捨故山樂耳淨玉璫

矚目眩珠錯落陰沈潤袂衣凜冽逼芒屨不信巖下晴迴  
望烟漠漠

題孝思墨泪冊二十韻

有敘

張鳳孫華亭廩膳生父官印江令獲罪當遣戍時  
大父母在鳳孫呈請代戍大吏上之准予贖罪具  
啓募錢得釋歸後兩中副榜以觀察入爲刑曹致  
仕壽七十八子三皆牧令曾孫樹蕃裝呈啓各稿  
屬題其書法秀朗蓋與何學士焯頡頏云樹蕃陽  
山尉鳳陽守錫蕃弟錫蕃前令番禺熙舊同官

君有同懷友余之莫逆朋六年成契濶五馬著廉能不信  
難爲弟都疑得所承新知聯鄂枏陳迹數高曾黔邑慈君

頌華亭秀士升望雲紆墨綬立竹味青燈罪忽西曹繫哀  
難北顧勝替征兒志決作贖

帝心矜點頷頭蒙雪陳情汨續冰听宵疏寢枕南朔傲行  
滕力徧親交借書兼姓氏膳寸衷輪宛轉尺牘寫騫騰

聖鑒完重慶賢書倏再登風霜凌枯柏雲海振鯨鵬劇郡

尤便手循聲久伏膺韓公真可配

幼時有願學昌黎之語見邑乘張仲夙

交稱碩行愜風化餘輝照繼繩子孫歌赫赫孝節日蒸蒸  
百載清芬誦咸思舊德微卽看昆季起積善豈無憑

西樵七勝

有敘

庚子典學北歸宣化馮太僕贊勳番禺黃比部王  
階南海孝廉沈文煥黃亨李文照諸生李宗簡鄧

翔廬維球約訪西樵之勝題名石壁黃孝廉屢來  
索詩未有以應也丙午復典學北歸過西樵下榻  
觸舊游卽所記憶者補賦七詩却寄

華蓋峰

亭亭華蓋峰湧出獨無偶高標挺舞羣俯瞰倚覆斗元黃  
混合初中有石氣走氤氲蒸成菌不落巨靈手呼吸列星  
精鎔鑄大地紐隨風勢飛揚松杉結帶綬下見石齒蒼鄂  
相若新剖仰蔭擎天蓋古翠同不朽安得雙白龍使作白  
鷺守

若谷

石勢如卷雲外圓空其內厚豁時含光繚曲或向晦嵐氣



舊唐書卷八  
埋陰沈林影紛破碎入石不見石虛空四無礙美此空洞  
腹容我數百輩信步踏蒼蘚列案坐相對相對澹無言幽  
澗鳴玉佩

白雲巖

褰衣跨石梁仄迳盤确磴峭壁立積鐵對峙勢嶽嶽上有  
穿空泉崩奔下飛雹森然毛髮豎坐令塵坌撲須臾白雲  
起巖磴入冥邈而我漸與合搖漾忽自覺化爲水中月欲  
去不可捉水定月還在冰壺快一濯迎風吸其英盡汰胸  
襟濁

雲瀑

積水破石出水堅石不敵石起抵其隙壘作千仞壁水作

壁上觀挾石下排擊欲下不得下倒灑飛雨滴九天落星  
辰萬古轟霹靂松篁盡呼舞懸崖各奮激有若紫駟馬壯  
心久伏櫪驟遇九折坂散蹏脫羈勒又若白羽箭妙手方  
擬的乍離六材弓瞥眼過鋒鏑白雲了不知獨守空山寂

### 應潮湖

雲瀑建翎下澎湃來若噴前扼西江湖一導還一頓瀦爲  
應潮湖羸縮辨尺寸我觀湖中水去意爭利鈍得時似稱  
快失勢如有恨問水爾何之爲爾占得長山山多濁流常  
恐花墮溷不如且佳佳逃世亦何悶

### 三湖書院

書聲學泉聲汨汨達戶牖泉聲學書聲琅琅到牕几泉聲

勝書聲節韻中宮微書聲勝泉聲含咀判經史泉聲忽如  
住書聲和競起夜分書聲希泉聲鳴不止危坐杳露閣旁  
舍兩聲互盈耳有時耳不聞韻罷心如水

龍嵒閣

茲遊恍入夢身跨飛空鶴下臨不見地沖舉無所託心沁  
曲水流日眩奇礪削天風吹浪浪迴翔在碧落忽見雙玉  
梅春風新破萼頗疑縞衣仙攜童來勸酌他時眞夢到記  
取龍嵒閣

題松畦圖

硯芬前輩夢至一處額  
懸松畦二字繪圖屬題

夢境荒畦幾稜稜知君福應正無窮孫曾世守圭田業二  
十平添十八公

嘗徧腥羶此味真一畦寒菜最堪珍魏公晚節黃花圃秋  
未應教勝早春

題鈕明府

福壽

亦有秋齋集

撫綬已使俗還淳更觀名篇迥出塵故國衣冠霑德化  
府休陽新安山水稱吟身人經遊歷詩逾健語到和平吏自  
循裁句欲題還擱筆畏君才調壓詞臣

潘星齋使滇吟草題詞

不羨駟車碾驛塵最難異數屬詞臣金蘭臭味連同譜副典

試同

桃李芳華接大椿

師相曾視滇學

萬里江山供橐筆一囊書

畫歷歸輪鯉庭爾日徵佳話探得游編語更新聞師相近著筆記

讀鄒蓉閣

在衡

詩草有與方雲泉胡琅圃章次白羅

鏡泉高伯蓀曹葛民賦樹影聯句次韻遙和

長安老寓公擁鼻百衲牕獨倡復獨和對影差可雙塔然  
遂隱几化作枯朽椿羣彥吐光怪森然現旄幢正如郎當  
袖突見都盧撞側想奮臂舌雜坐就牀扛覓偶截寸錦搜  
韻拏香芒高唱出樹罅影遏不肯降是時日正午密蔭團  
高麗黥雲漾詩硯皺碧搖春缸露禪貌禪定風顫拏神慢  
水墨潑鉅壑荇藻浮飛淙似探蟠蛟穴擬坐窺魚缸翦取  
捲湘柙載歸乘吳艤惜哉韓孟座未參賈長江徒令慨陳  
迹蟻蛭慕崆峒夢爲辭枝葉飛影歸鄉邦竭來涼樾下笑  
視健筆扛稿脫書盤拏吟成韻琤琮驚起楚簟冷悵然晨  
鐘撞鄰樹忽送影

寓鄰賈氏園林

杲日欺殘缸

諫草行觀楊椒山先生兩疏草稿真蹟

有明中葉王綱絜愷王聯翩弄國鈞先生捨身拯社稷再  
上白簡披龍鱗諫書既裂諫草在藏之名山傳之人牛腰  
大卷發光怪題珠跋玉鐫貞珉時張受之鐫石松筠庵先生忠魂歸

太虛沈寃萬古無由伸此草獨留有天意非求憤語徵酸  
呻要令盤拏九千字勒人肝膽銘心神內憂外患亦代有  
發聾振聵須爭臣後來骨鯁儻興起彈劾不避將相瞋言  
者無罪聞者戒傾陷之習一洗新不然塗乙數十紙黯淡  
未必踰奇珍流傳况非先生意汗君之顏搖臣唇吁嗟乎  
誰歟不負君天留此草千秋春

哭歸吳氏次女四首

痛予哭女歲初更余去年在粵歸王氏長女賴爾思親昨

見迎自粵來都待罪一官形對影時干嚴譴承歡半載宇

連衡今年正月覓寓巷南相去咫尺時來歸省六閱月而歿矣會從別久成偏愛存是

亡餘已愴情轉瞬雲華都萎盡不堪老泪又重傾

三朝困頓尚能支一刻彌留便欲辭病到不治思上藥死

原非法恕庸醫病疹三日驟變遂亡人生由命誠無奈太上忘情未

可期膝下團樂曾幾歲早知永訣悔長離

二十年中迹未迷今年二三千里外信猶稽夢兒未斷門

閭望兩女惡耗俱未告其母索母猶聞襁褓號見方為勸慈姑聊忍

涕強寬弱壻轉增悽白悲自解殘釭背且聽西風送曉雞

無端長笛賦江濱惡識於今解始真去年六月忽夢江樓送別口占一絕云風

南幕縱橫孤帆江上行不知人怨否長笛有哀聲醒後惡  
之五日而長女之耗至然不解所謂今日始悟笛者兩個  
也姊妹應爲其命鳥兩女俱早嫁俱有子俱聰明同是再  
來人兩女俱未嘗學問而通文南州旋櫬纔踰嶺北道喪  
車又碾塵從此予情無可慰予自茲無女嬌癡孫女倍堪珍謂  
姑

丁未歲六月二十一日邵蕙西樞曹懿辰集客壽歐

陽文忠熙以失女之戚不赴翊日各出詩文見示感

### 賦二首

公生景德間浩氣歸牛斗八百四十年好事且爲壽公壽  
托無窮頗出形骸右祝告將靡加抑搔亦何有春草逗栗  
芽銅山應鐘鈕壽公直寓耳醉翁不在酒



我聞都官喬卽席能高吟酒酣兩耳熱一客方橫琴

聞是日梅

曾亮賦詩孫

鼎臣彈琴恍如公在座笑語開胸襟惜哉老僮荒戚戚

哀感侵孤燈坐風雨良會安可尋秋風颯然至中宵勞寸心

偕蕙西訪曾滌生學士

國藩

蕙西有詩見示卽次其

韻

冷官如僧舍如剎入門但少孤磬戛巷北樞曹肯相過高  
論汨汨奮頡滑爲語巷南有閣長濯濯塵羣彼尤黠走訪  
坐談出近著鉤妍摘蠟互標軋當其至處讀者嘿千里之  
車三寸牽爬梳剔抉遂忘哺向晚長嘶續鳴蜚主人愛客  
客戀主留餉豚魚無特殺上座自覺老可恥領下欲髯首

先鬢飯罷東林月高出檐壁十已圓其八白光射地翻涼  
波上有樹影秋毫察圍坐雜言一言識惡語須防報閻別  
滌生謂予著述近  
幽而言論太駁 歸途巷南復巷北矯矯秋空一隻鶻

題汪良山同年執硯圖

良山名振某安徽人翰林侍  
講告養歸留充山西學使雲

南典  
試

紫雲一朵逾瑤琨故物親頒范伯孫洗以芹池藏玉署先  
人手澤今猶溫晉陽積雪滇池雨濡化作春風煦蓬島  
芝坊視草歸絳趺元足新詩補雞鳴鹽漱咳南侍儵事皋  
比發經筵舞綵歡舒鸛鶴晴誦芬感滴蟾蜍泪披圖重憶  
舊朋儕奏賦明光與子偕熙興癸巳大考翰詹君與戊  
戌大考翰詹俱二等第一 美  
君不負賢良硯自署空慚賜研齋戊戌入直內廷蒙  
賜研因以名齋

蕙西用前韻見贈奉答

邵君毫端見寶剎花幢珠蓋相摩裒  
長曾君攘袂起與鬥干里洪河一瀉滑  
我從壁上袖手觀不動不鳴學鼠黠侵晨  
邵君復致師甲既出車乙奮軋擊之乃應非  
自爲借風舉帆脂助牽帆終虛飽牽徒勞強  
嘶漸作深秋蛩我鼓旣衰君亦竭曼衍危言  
青可殺况聞學道忌客氣義髻安能療髡鬚  
從茲投筆并焚硯斷指還宜效南八請邀曾  
君評此語多言多敗祈矜察君不見明珠碎  
投將按劍笑瑜輕獻空悲別笑我勸君蹈君  
轍且看長安一雙鵲

原作

夢繞西湖千佛剎放船湖波鴈聲戛覺來  
坐戀鄉味甘

醉魚羹美蓴絲滑此生合付白鷗閒遠俗從嘲黃鸝點  
不妨名字託漫漶何用文章苦茁輒鹿牀先生持玉尺  
翠掃羅浮兩停牽家園水石足清哦春聽鳴鴈夏嘶蜚  
鶴書促召出山來秀竹繁花鎮開殺羯還曳履直金鑾  
四海共知霜鬢鬚一身幾負不堪七九事厭聞言律八  
詩篇畫筆世爭求偉抱深情人不察仍多老泪哭稱稱  
頻歲蘭芽遭剌削何日從公吟岐山笑指浮圖下棲鶴

大梁行和孫芝房翰林

鼎臣

天如君地如臣天地二氣交感神天氣當發地不應君臣  
間隔成凶循雲霾盪盡風雷息坐令沃野吹黃塵經營宮  
貴戀酣豢誰慮頻仍過憂患水荒未復旱荒來昔年魚鼈

今鴻雁窮廬突冷門無扉哀號若嘶聲漸希爪痕入土齒  
著樹飢鴉啄屍鴉不肥憊矣抑何甚餓死不如鴟鵂門鼓  
腹餐毒麋快哉此草歡相枕孫詩注飛章請賑詞悽惻  
有此事  
至尊投筭不忍食昨聞

天語心痛傷斯民何辜朕不德

君罪已臣萬死致旱有由當豫弭先事不圖後何及况乃  
奸胥思染指我聞東南納粟倉箱盈富者得官貧者何以  
生天灾流行國代有不如羅羅籌常平君不見大梁行

游龍杖歌奉和湯師相次韻

古來良材困田廬耕耘誦讀聊自娛樵漁混迹誰能區勁  
挺內含秀外敷擬彼游龍花白朱一生知己惟鷗鳬任之

却勝珊瑚株不觀龍古麇扶蘇其大者歸高丈餘枝葉放  
縱與紅殊吾師旁睨立踟躇謂跌作顛顛作跌取而裁之  
揮圓鋤無用爲用老可扶臨風一嘯起槁枯槩以黝漆刻  
明玕穿雲度水離泥塗變化出沒張牙鬚非工識拔歸榛  
蕪天生此材乃無虛熙游師門來上都有如此杖踵步趨  
師時少宰新遷除濫叨拂拭何勤劬浮根淺植每自吁十  
年奔走裨補無私忖多恐杖不如猶貯藥籠備飴茶可棄  
勿棄與杖俱今雖解綬辭金鋪後人唱喁賴前于乘危履  
傾杖先儲新諸乘危履傾杖則以聖賢爲杖况當楨幹世惡需故吾無謂非  
今吾操杖請補秋林圖師先命繪秋林曳杖圖紈扇

後大梁行再和

監倉莫監京東倉運糧當運河東糧河東告饑江南賑剋  
肉醫瘡赴大梁江河滔滔下千牘壯哉雀鼠耗難補擲沙  
臼上磨復磨未入大梁化爲土化爲土不足惜欲化不得  
堅如石不施升斗施斧斤五丁力士汗流腋行者居者兩  
無詞哀哀啓鵠旁睨之劇我草根齧我樹飽死不如餓死  
遲吁嗟京東倉米缺一斗明朝封事京師走

題張翰林金鏞詩稿

絳霄神女五雲車散葉飛英麗彩霞一領襪衣歸正覺袖  
中猶有舊時花

翡翠蘭苕不惹塵鯨魚碧海亦驚人自窮碧落黃泉後方  
信家常語最新

字裏行間待細研清思一縷最纏綿燈前讀罷推牕看風  
定雲歸一月圓

芝軒師相命和

晉加太傅

實用紫韁二律

雲祥雪瑞兆年豐

玉詔輝煌鳳下空爭說崇隆加

帝傳爲酬變理代天工贊襄密勿真堪副德義調和定不  
同九老詰朝齊拜表康強應更慰

宸衷

同時被  
者九人

恩

潞公威重仰神姿夙夜從公不及私黃閣宣勤欽聖相紫



遊懋賞荷

皇慈封泥色映天邊耀印綬光分日下馳寄語退朝須款  
段花開陌上耍哦詩

御賞蜜羅柑分餉同人并賸以詩

南鮮幾日摘霜柯

內傳稱  
賞南鮮

御宴傳來手自搓香烈帶仍封白蠟皮皺包乍解黃羅一  
雙自笑砭猶俗三百應嫌奉未多會散消寒除酩酊可能  
燈下遣修蛾

芝軒師相命題蘭陔絜養圖

當代文章伯中朝第一人聲名騰彩鳳鍾毓誕祥麟極品  
紫衣被三多華祝陳南陔賡孝子

北闕祖純臣豐膳馨初夕鮮葩采嚮晨歡顏常倚酒華髮  
半拖銀竹問平安信花探富貴春青袍使侍從朱履久遼  
巡繞滕龍孫衆垂髫驥子親尋芳仍執卷汲古更投綸高  
下排瓊樹團欒捧大椿餘慶徵後福流澤想深仁薄植參  
桃李頻年點縉紳每聆門闕舊又見畫圖新弁首題何古  
添毫寫逼真移情縑素外別有味清淳

苦雨三十韻和邵位西

舊雨聯今雨浪浪靡有涯畏炎酬快意苦久動愁懷入夜  
聲搖屋凌晨水潑階四圍成沼沚一望失山崖霑席牀俱  
漏捎牕戶不關堂幻游泳儵牆缺去來蝸養晦噤乾鵲呼  
朋聒亂蛙泥深眞沒髀逕滑不勝鞮惡濕思登閣隨流等

汎簫通衢猶窘步狹巷况聯蓋已漬青油幕還汚白鼻騮

日輪迴孰御天鏡翳難揩急報聞三輔近京多霪霖滿六

街松楸倒柯葉黍稷露根芟連陌洪濤撼孤村濁浪排杏

梁浮聚藻燕壘宿修廬抱柱兒宜拯牽繩婦未埋聞通州

沒村墟有稚子抱木而浮水宛沈三里霧虐助八方飖更

恐長河溢江南亦將乘永書蠲湯湯爭薄堰浩浩齧浮蘆

溝漲芒畝稻畦淤某病鮭巷無沽酒客鄰有賣珠娃願禁

號雲翳虔祈補石媧全皮褫豹隱左耳割龍乖喜霽情同

愜占豐事合諸四民消水厄五字賦晴佳辱荷詩筒使來

從畫肪齋位西自露垂金薤墨肪截水松脾敢以陽春曲

參之稚子哇聊歌雨無極採訪或能皆

北河晚泊次兒輩韻

蒼然暮烟起川路不分明日薄人無影天寒雁有聲扁舟  
何處宿柔艣未停鳴泊後重回首難忘戀

闕情

秋樹和兒輩

一葉飄然下涼飈忽在林誰憐先萎質獨抱後彫心雨露  
恩難報風霜病易侵苑枯原一理瘦影益蕭森

道旁古槐和兒輩

矯出長林外杈枒臥道東蔭曾三畝覆腹已百年空風葉  
蟬栖遍苔柯蟻路通未須憎老醜幸以不材終

詠薺次胡琅圃韻二首

新年喜聽蟄前雷凍隴寒蔬綠意回段繼昌詩凍隴蘇來白薺添野客

歲供隨處有釋清珙詩挑薺煮茶延野客幽人祿養白天來東坡詩旨曾

比董堪娛老潘岳詩廿更如飴合弄孩陸放翁詩寒薺熟甘若飴采掇

爛蒸初薦食先生懷抱一時開

山居罷聽曲江雷韓魏公詩車雷曾賦長安樹影回戴嵩詩長

安樹雪甲乍挑花陌外方岳詩自挑冰心早貯玉壺來蘇

若薺香綠太烈驅螻蟻語老尚垂青學孀孩爾雅注俗呼老薺又孀孩香草

却笑庾郎貧徹骨春筵未為故人開

續咏二首和高高甫壘前韻

藜藿枯腸日轉雷空堂煮雪慕方回方回詩未若玉山離雪空鑑煮荒薺

離花已閒階發陸游詩惟有牆陰薺離離又采采人從野

滿盤江總詩閒階薺宿薺

岸來吳均詩岸釋老間排供客子鄰翁分餽到童孩沈周詩鄰

翁採薺晨炊共飽香羹味鼓腹哕然笑口開

節物匆疾似雷木杵薦客首重回去歲客中牆陰又盼

春風到見江上曾衝暮雨來釋道濟詩羨君一棹江撥憶

鳬雛常傍母鮑照詩鳬避看蟲子已成孩李咸用詩蠶絲

葵青青小把宜珍惜脩禊堂須上巳開川杭諺三

丙辰人日大雪玉裁招集疏影食余以陳足未赴翌

日芝柏詩來依韻奉和卽約重集覓句堂

春寒不出探春妍高會輸君到酒邊見寄詩篇逢勝日重

懷畫境溯髫年少時有畫雪入隔牕紫竹歌青笠壓檻紅

梅露白顛獨賞閉門無句索虛堂乞得一宵眠

點點飛花入幙頻歲時七菜例宜遵耐寒却遜金花勝扶  
病難追玉勒人仍擬移尊申雅集可能乘興訪聞身諸君  
不棄春初韭指日堂開德有鄰

項氏可美園看菊

夙聞佳卉輒心傾走訪東籬趁晚晴客至化爲寒蝶抱花  
深喜學貫魚行却同蘭蕙栽分畹更借芙蓉護作城異種  
非無人寶愛不逢高士不成名

疎簾小幄坐移時愛客遮留欲起遲茶罷清談殊灑落階  
前瘦影漸參差適來愧我非陶令此後逢人說項斯歸去  
銜尊成苦憶中宵夢把菊華枝

題周雨亭丈

澍詩稿

士庶交傳慈惠師頗聞公暇撚吟髭

三朝賢吏八旬叟十誦清芬一派詩

公先人有同學夙欽十誦齋集

尊父執公與

夫同人

先大諸孫繼起富文詞微哦靜領風人旨

天地常留更不疑

張副帥國樑虎字歌

西方白虎羅七宿天遣爲將靖狂寇上馬殺賊下作書與  
酣落筆筆力透飛而白白而飛驚蛇渴驥一手揮騰騰虎  
氣十指出精芒閃爍生光輝當其得志神最王霹靂奔馳  
風雨壯虎頭蟠作黑雲都虎尾健於鐵柱杖開視不獨鬼  
魅驚士夫走觀來傾城强者奮怒懦者起雄於十萬貔貅  
兵



國之虎臣書虎宇翰墨流傳尚餘事借君隻手障東南一  
柱擎天仲此臂

芭亭學博寄遺詩相寺橋李并大著橋李譜答謝

老桃北杏麟經見橋李時書吳越戰得名久在夷光前雋  
謂烏肥取誇術醉李就李皆音訛當以得雋證盲傳廣文  
先生安豐裔鑽核家風今忽變梵宇施金得珍果摘鮮藏  
熟分甘徧先生嗜古非嗜味搜採故實乘清宴辨證玉蘂  
譜飭霜體例一洗嵇含面綜以序言冠以圖大句短章羅  
碩彥習苦名熙齋主人例茹苦俊品何期遞邇傳包裹封題  
四十枚飽啖家人逾飲醺味餘領取味外味有似梅花和  
雪嘯况兼新譜媿君謨快讀終篇起遙羨平生奔逐爲口

忙南北嗜好各有擅沙雅爾梨哈密瓜波羅蜜與桃柳麪  
至今未忘董墓桃荔支尤勝君遷殿以彼視此悉衙官惟  
新會橙荷

天香

道光二十八年蒙  
恩賜新會橙一桶

眞質細認筆管印差與爪痕相

後先懸車十載未嘗新玉箸金盤料難薦豈知分野共星  
精餘潤還叨及鄰縣此詩無味不妨傳爲君一條老饕覲  
驂孫以幼童赴試主司面試杏花詩賜以餽粽塾師  
吳菊潭先生涂寵頒和章余亦繼作

春林二月染新紅早杏何期學晚楓四十年間如反掌題

詩試院祖孫同

余童試作琴棋書畫詩蒙運副王春泉  
帥擊節贊美未場命作十四詩留飯而出

題胡恕堂中丞興仁照

六齋天邊使三生石上人護持名勝地示現宰官身前佛  
垂慈蔭文星屬重臣禪機兼慧業談笑虎狼馴

尊宿瞿曇貌竒才玉雪姿寓形參我相諦聽問誰知對月  
人三影生花筆一枝風塵來萬里端爲起瘡痍

題徐樹人方伯

宗幹

同年照卽送其歸通州

羈官四十載松楸勞寸私紫琅歸白樂

丹詔起無時南畝遂初願西湖留去思蒼生望重到能否  
念瘡痍

題滿州文清士

文秀詩稿

閱徧通材筆君思氣最眞偶然拈妙諦渾不著纖塵古調  
悲誰賞穠華未遇春天心知有待先遣作傳人

絕命詞 時咸豐十年二月二十九日

病軀晚歲遇時艱八載巡防總汗顏撒手白雲堆裏去從  
今不願到人間

習苦齋詩集卷之八終